



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XXIV. Declaratur Jus Parochorum super Cadaveribus, quæ in Ecclesiis FF.
Min. de Observantia S. Francisci sepeliuntur.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Pœna adven-
sus inscriben-
tes alia nomi-
na SS. Reli-
quii, quam
Card. Vicario
pro tempore
fuerint im-
posita.
Pro expensis,
& juxta mer-
cedem Ope-
rariorum
Card. Vicari-
us adhibeat
pecunias, &
elemosynas
piis operibus
applicandas.
Excommuni-
cacio latæ
sententiæ ad-
versus recipi-
entes ali-
quid pro tra-
ditiōe SS.
Reliquiarum
quolibet ti-
tulo etiam a
sponte danti-
bus.
Decretum
irritans.

Contrariis
derogat.

Etiā habentibus
derogato-
rias derogato-
riarum, &
specialem,
& indivi-
duam men-
tionem re-
quirentibus.

Transumpto-
rum fides.

Edit. 13. Jan.
1672.

alia ne adscribant nomina, nisi, quæ a dicto Gasparo Cardinale moderno, seu pro tempore existente Vicario imponentur, sub viginti quinque scutorum monetæ, aliisque pœnis ejusdem Vicarii arbitrio infligendis. Atque ut omnis tollatur occasio turpis quæstus iis, quorum operam, & ministerium in effodiendis, & extrahendis sacris corporibus: Idem Gaspar Cardinalis modernus, seu pro tempore existens Vicarius adhibebit, de pecuniis, & elemosynis, quæ piis operibus applicandæ forent, & de mandato ipsius Vicarii accipient quantum æquum fuerit pro expensis omnibus, & juxta eorum mercedem.

§. 6. Postremo sub excommunicationis latæ sententiæ pœna per transgressores ipso facto incurrenda districtè prohibemus, ne in tradendis sacris corporibus, & reliquiis, & pro consecrione literarum patentium desuper expediendarum, earumque sigillo, aliquid etiam modicum, ullo umquam prætextu, etiam a sponte dantibus, accipiatur.

§. 7. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obrinere, ac ab illis ad quos spectat, & pro tempore spectabit, in omnibus, & per omnia inviolabiliter observari. Sicque, & non aliter in præmissis per quoscumque Judices Ordinarios, & delegatos, etiam Causarum Palatii Apostolici Auditores, ac Sanctæ Romanæ Ecclesiæ præfata Cardinales, etiam de Latere Legatos, aliosve quoslibet quacumque præminentia, & potestate fungentes, & functuros, sublata eis, & eorum cuilibet aliter judicandi, & interpretandi facultate, & auctoritate judicari, & definire debere; ac irritum, & inane si secus super his a quoquam quavis auctoritate, scienter, vel ignoranter contigerit attentari.

§. 8. Non obstantibus Constitutionibus, & Ordinationibus Apostolicis, ac quatenus opus sit quarumvis Ecclesiarum, & Basilicarum, aliisque quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & literis Apostolicis, quibusvis personis & locis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, & alias quomodolibet in contrarium præmissorum concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque toris tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro plene, & sufficienter expressis, insertis, specificatis, & servatis respective habentes, illis alias in suo robore permanentibus ad præmissorum effectum, hac vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

§. 9. Volumus autem, ut earundem præsentium literarum transumptis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique in judicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 13. Januarii 1672. Pontificatus nostri Anno Secundo.

I. G. Slusius.

Registrata in lib. Brevium mensis Januarii fol. 1. parte utraque.

Confirmatio Decretorum Sac. Congregationis Episcoporum, & Regularium favore totius Ordinis Minorum observantium S. Francisci circa elemosynas funerales, & funera Defunctorum, qui in eorum Ecclesiis sepulturam elegerint, scilicet, quod Parochi ab hæredibus dd. Defunctorum majorem elemosynam petere nequeant, quam percepissent, si in eorum Parochiali, vel alia Sæculari Ecclesia sepeliri voluissent, & quod tali casu functiones super Cadaveribus ad ipsos Regulares, non autem Parochos pertineant.

CLEMENS PAPA X.

Ad futuram rei memoriam.

Alias pro parte tunc existentis Commissarii Curie Fratrum Ordinis Minorum S. Francisci de observantia nuncupatorum, Congregationi tunc existentium S. R. E. Cardinalium negotiis, & Consultationibus Episcoporum, & Regularium præpositorum supplicato, ut prohiberetur Parochis, & Clericis Terræ de Geverano Brundisinae Diocesis, omnibusque aliis Parochis, & Presbyteris, ne auderent accipere majorem elemosynam pro Defunctis, qui sepelirentur in Ecclesiis dd. Fratrum, quam accipiebant pro iis qui in ipsorum Parochorum, seu Presbyterorum Sæcularium Ecclesiis sepeliebantur: Emanavit die 7. Decembris 1640. ab eadem Congregatione Decretum tenoris sequentis, videlicet -- *Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, ad tollendas indebitas exactiōnes, quæ, ut proponitur, in tumulandis Defunctorum corporibus fieri solent, censuit injungendum prout præsentis Decreti tenore injunxit Archiepiscopo Brundisino, cæterisque locorum Ordinariis, ne permittant, ut Parochi, aliique de Clero Sæculari majorem posthac elemosynam sibi attribui faciant ab hæredibus Defunctorum, qui in Ecclesiis Regularium prædictorum sepulturam sibi elegerint, quam percipere possent, si in Parochiali, seu alia ipsius Cleri Sæcularis Ecclesia sepeliri voluissent, contrariis quibuscumque non obstantibus &c. Romæ die 7. Decembris 1640. -- Ita reperitur in regesto authographo Sac. Congregationis negotiis, & consultationibus Episcoporum, & Regularium præpositæ. In quorum fidem &c. Romæ 31. Dec. 1671.*

C. d. V. Archiep. Athenar.

§. 1. Et subinde cum tunc existentes Fratres Provinciæ Dalmatiæ prædicti Ordinis Congregationi præfata exposuissent, functiones funerales Defunctorum, quorum Cadavera in eorum Ecclesiis sepulturæ mandarentur, facere, ad eos, non ad Parochos spectare. Congregatio præfata die 31. Augusti 1657. aliud Decretum edidit tenoris, qui sequitur, videlicet -- *Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, attentis narratis, juxta alias resoluta censuit, functiones funeralium super cadavera Defunctorum, quæ in Ecclesiis Regularium contigit sepeliri, postquam ad easdem Ecclesias pervenerint, ad ipsos Regulares, non ad Parochos pertinere, ac proinde ita in Oratorum Ecclesiis circa præmissa servandum esse, prout servari mandat, & precipit, contrariis quibuscumque non obstantibus. Rom. die 31. Aug. 1657. -- Ita reperitur in Regesto authographo Sac. Congregationis negotiis, & consultationibus Episcoporum, & Regularium præpositæ. In quorum fidem &c. Romæ 31. Decembris 1671.*

C. de V. Archiep. Athenar. &c.

§. 2. Cum

XXIV.
Hæc constit.
hic repetita
est, quod
amplior sit
contenta in
Tomo VI.
fol. 382.

Nunc pri-
mum impres-
sa.

Decretum
S. Congrega-
tionis Episc.
& Regular.
edit. die 7.
Dec. 1640.

Aliud Decre-
tum ejusdem
Sac. Congrega-
tionis die
31. Augusti
1657.

Preces Procuratoris Generalis Ordinis Minorum S. Francisci.

§. 2. Cum autem, sicut pro parte dilecti filii Francisci Mariæ a Castro S. Petri de Boponia Procuratoris Generalis Ordinis præfati Nobis nuper expositum fuit, ipsa Decreta hujusmodi pro firmiori illorum subsistentia Apostolicæ confirmationis nostræ Patrocinio communiri, summopere desideret: Nos specialem ipsi Francisco Mariæ Procuratori Generali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum, harum serie absolventes, & absolutum fore censentes, supplicationibus ejus nomine nobis humiliter super hoc porrectis inclinati, Decreta præinserta auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

Abolutio à Censuris.

DD. Decretorum Confirmatio Apostolica.

Decretum irritans.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam, quavis auctoritate scienter, vel ignoranter contigerit attentari.

Contrariis derogat.

Edit. 18. Jan. 1672.

§. 4. Non obstantibus Constitutionibus, & Ordinationibus Apostolicis, cæterisque contrariis quibuscumque.
Datum Romæ apud S. Mariam Majorem sub Annulo Piscatoris die 18. Januarii 1672. Pontificatus nostri Anno Secundo.

I. G. Slusius.

Registrata in lib. Brevium Mensis Januarii Parte utraque fol. 145.

XXV. Die 18. Jan. 1672. An. 2.

Confirmatio Decreti Congregationis Episcoporum, & Regularium favore Ordinis Minorum S. Francisci de Observantia Provinciarum Hispaniæ super facultate eligendi Conservatores, non designatos in Synodo Diocesana in Civitatibus, & Diocesis in quibus nulli sunt Judices Synodales.

Nunc primum edita.

CLEMENS PAPA X.

Ad futuram rei memoriam.

Exordium.

Nuper pro parte dilecti filii Didaci de Mendibil Commissarii generalis, Curie Ordinis Fratrum Minorum S. Francisci de observantia nuncupatorum Congregationis Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod in multis Diocesis Regnorum Hispaniæ Synodi a plurimis annis celebratæ non fuerint, nullique proinde ibidem Judices in ejusmodi Synodis deputati reperiantur, quos Fratres Conventuum dicti Ordinis in illis partibus consentientium in conservatores eligere, seu nominare valeant; ipse Didacus Commissarius Generalis plurimum cupiebat facultatem nominandi in Conservatores alias Personas, quæ qualitatibus per Constitutionem fel. rec. Gregorii PP. XV. Prædecessoris nostri de Conservatoribus editam requisitis cæteroque præditæ sint, Fratribus præfatis concedi, quemadmodum alias in similibus casibus à Sede Apostolica concessa fuit: emanavit a præfata Congregatione Decretum tenoris qui sequitur, videlicet: Sacra Congregatio Eminentissimorum S. R. E. Cardi-

nalium negotiis, & Consultationibus Episcoporum, & Regularium præposita censuit Oratori dandam infra scriptam declarationem alias editam sequentis tenoris: Sac. Congregatio &c. censuit Episcopos quamprimum Diocesanam Synodum omnino celebrare teneri: Et interim in Civitatibus, & Diocesis in quibus nulli Judices extant in Concilio Provinciali, aut Diocesano designati, licere Regularibus servata in reliquis forma Constitutionis fel. rec. Gregorii XV. hac de re editæ, Conservatores nominare habentes qualitates a Jure requisitas. Quorum tamen Conservatorum facultas eo ipso expiret, cum primum hujusmodi Synodus celebrata fuerit, in eaque Judices designati extiterint Romæ 4. Decembris 1671. -- F. M. Cardinalis Brancatius -- C. de V. Arch. Athenar.

Decretum S. Congregationis Episcop. & Regular. edit. 4. Dec. 1671.

§. 1. Cum autem sicut pro parte dicti Didaci Nobis subinde expositum fuit, ipse Decretum hujusmodi, quo firmius subsistat Apostolicæ confirmationis nostræ Patrocinio communiri summopere desideret: Nos ipsum Didacum specialibus gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis humiliter porrectis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate præfata Congregationis Cardinalium.

Preces Commissarii Generalis Curie Ord. Minor. Observantia S. Francisci.

Abolutio à Censuris.

Ejusdem Decreti Apostolicæ confirmatio.

Decretum irritans.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari. Sicque in præmissis per quoscumque Judices Ordinarios, ac delegatos etiam causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Contrariis derogatio.

§. 3. Non obstantibus præfata Gregorii Prædecessoris, aliisque Constitutionibus, & Ordinationibus Apostolicis, cæterisque contrariis quibuscumque.

Edit. 18. Jan. 1672.

Datum Romæ apud Sanctam Mariam Majorem sub Annulo Piscatoris die 18. Januar. 1672. Pontificatus nostri anno Secundo.

I. G. Slusius.

Registrata in Secretaria Brevium in lib. Mensis Januarii parte utraque fol. 150.

Facultas Prioris Generalis Ordinis B. Mariæ de Monte Carmelo conferendi Lauream Doctoralem Fratribus Magistris in Collegiis, & studiis sui Ordinis.

XXVI.

CLEMENS PAPA X.

Ad futuram rei memoriam.

Edita A. D. 1672.

Alias fel. rec. Clemens PP. IX. Prædecessor Noster dilecto filio Mattheo Orlando moderno, & pro tempore existenti Priori Generali Ordinis Fratrum B. Mariæ de Monte Carmelo facultatem conferendi Lauream Doctoralem illis Fratribus d. Ordinis, qui ex præcepto Constitutionum Ordinis hujusmodi Magisterio insigniti forent, auctoritate Apostolica concessit. Ita tamen ut illa extra Collegium Salamantinum non nisi in

Clem. IX. facultate concessit Priori Generali Ord. Carmel.